

RESOLUCIÓN DE ALCALDÍA

ASUNTO: APROBACIÓN DAS BASES QUE REXEN O DESFILE DE ENTROIDO 2025

Vista a proposta de Bases para participar no Desfile de Entroido 2025 e vistos os informes desfavorables da secretaría e intervención

En virtude das atribucións que me confire o ordenamento xurídico, **resolvo:**

PRIMEIRO.-Levantar o reparo da intervención municipal, tendo en conta a repercusión social, turística, económica e cultural que esta actividade representa para a nosa vila e aprobar as *Bases que rexen o Desfile de Entroido 2025*.

SEGUNDA.- Publicar as devanditas bases no Taboleiro de anuncios do Concello e na páxina web municipal.

O Alcalde
Roberto José Álvarez Carrero



ANEXO:

BASES QUE REXEN A REALIZACIÓN DO DESFILE DE ENTROIDO 2025 EN A GUARDA

1º OBXECTO

O Concello da Guarda organiza o Desfile de Entroido 2025 co obxectivo de manter a tradición e promover a participación dos veciños da vila mediante grupos, comparsas ou carrozas que desenvolvan unha temática de Entroido común e coherente.

É obxecto desta convocatoria establecer os termos relativos á realización do Desfile tradicional de Entroido, tanto en itinerario, datas e horario como nas modalidades de participación e as axudas económicas previstas.

O Desfile de Entroido celebrarase o venres 7 de marzo ás 20:30h. con Saída da Rúa Porto Rico e finalización na Rúa Rosalía de Castro. O itinerario será Rúa Porto Rico -Rúa Galicia – Rúa Rosalía de Castro – Alameda

En caso de choiva, o desfile quedaría aprazado a unha nova data que viría determinada pola previsión meteorolóxica mais favorable.

A organización resérvase a posibilidade de abrir un novo prazo de inscrición en caso de fixar nova data por criterios meteorolóxicos. Este feito anunciaríase no taboleiro de anuncios mediante resolución de alcaldía e estaría supeditado ás posibles baixas de participantes inscritos que a nova data causara. Os interesados en participar neste novo prazo, ateranse ás mesmas condicións, documentación e requisitos que aparecen nas presentes bases.

2º PARTICIPANTES E BENEFICIARIOS

Poden participar no Desfile as agrupacións de persoas físicas ou as persoas xurídicas (como asociacións, agrupacións culturais, escolas de bailes, etc.) que así o soliciten ante o Rexistro Xeral do Concello da Guarda entregando a documentación esixida e que cumpran cos requisitos previstos en cada unha das categorías de participación, que se indican a continuación.

CATEGORÍAS

- **CARROZAS:** Grupo mínimo de **12 persoas**, das cales polo menos 5 estean enriba dun ou varios móbiles, representando unha temática común debidamente decorado e que leven acompañamento musical (en vivo ou mediante megafonía)
- **COMPARSAS:** Grupo mínimo de **10 persoas** que representen unha temática común e leven acompañamento musical (en vivo ou mediante megafonía)
- **GRUPOS:** Grupo composto por un mínimo de **4 e un máximo de 9 persoas**

Os participantes en cada unha das categorías mencionadas deberán ir convenientemente



caracterizados de Entroido: con maquillaxe e vestuario coidado e gardando unha coherencia temática entre si.

Poderán ser beneficiarios destas axudas as asociacións legalmente constituídas e as persoas físicas que cumpran os requisitos establecidos no artigo 13 da Lei 38/2003, do 17 de novembro, Xeral de Subvencións.

3º PRAZO E FORMA DE PRESENTACIÓN DE SOLICITUDES

O prazo de presentación de solicitudes comezará o día 18 de febreiro e finalizará o 25 de febreiro.

Finalizado o prazo de inscrición, publicarase no taboleiro de anuncios da sede electrónica do concello o listado de admitidos no prazo de tres días hábiles.

Para poder participar no Desfile de Entroido deberá achegarse por Rexistro Xeral a documentación esixida na convocatoria (apartado 4ª das presentes bases) en calquera das formas establecidas na lei 39/2015 nos art.14. E 16.4 . De xeito que as asociacións ou persoas xurídicas están obrigadas a presentar a documentación a través da sede electrónica. En caso de que algún participante entregue a documentación por calquera das formas previstas no art.16.4 da lei 39/2015 deberá facelo constar enviando copia sellada que así o acredite ao mail cultura@aguarda.es antes da finalización do prazo de inscrición

4º DOCUMENTACIÓN NECESARIA

As solicitudes formalizaranse nos modelos normalizados que se detallan a continuación, ademais da seguinte documentación:

- **Anexo I. Formulario de solicitude** debidamente cuberto e asinado pola persoa representante do grupo, carroza ou comparsa. Pode ser persoa física ou asociación/persoa xurídica.
- **Anexo II. Declaración responsable** de non estar incurso en incapacidades e prohibicións coa Administración para a percepción de subvencións, así como de estar ó corrente coas obrigas tributarias, co Estado, Xunta de Galicia, Concello de A Guarda e Seguridade Social.
- **Fotocopia do DNI** do solicitante ou en caso de asociacións/persoa xurídica o representante legal da mesma
- No caso de que o participante sexa unha asociación achegará **fotocopia do CIF da asociación, ou** de non ser posible, os **estatutos**.
- **Certificado de Titularidade da conta bancaria** , expedida pola entidade, asinada e selada.
- No caso da participación de MENORES DE IDADE:
 - Para a admisión de participantes menores de idade, en calquera das categorías, deberá achegarse autorización asinada polo pai, nai ou titor. (**Anexo III**)
 - **Cando tódolos integrantes sexan menores**, o representante do grupo será un dos pais ou nais, quen asinará a inscrición, aportará a copia do seu DNI e no seu caso, recibirá a axuda económica.
 - No caso de asociacións ou persoas xurídicas, poderán entregar unha declaración xurada na que se indique que contan coa autorización dos pais e titores para a realización de actividades fora da sede da propia asociación, adxuntando ó mesmo tempo seguro de Responsabilidade Civil na que se faga constar a cobertura con menores

Se os solicitantes non reuniran os requisitos esixidos nestas bases, requiriráselle para que



subsanan as deficiencias en dous días hábiles, con indicación expresa de se non o fixese, teráselle por desistido na súa solicitude.

5º COMPENSACIÓN ECONÓMICA: AXUDAS Á PARTICIPACIÓN

Como compensación polo traballo e esforzo que supón a elaboración do atrezzo e traxes de Entroido, prevese o pago dunha contía fixa segundo ás diferentes categorías:

CARROZAS----300€

COMPARSAS---250€

GRUPOS-----100€

Terán dereito ó cobro desta axuda económica as 10 primeiras carrozas ou comparsas que se inscriban, así como os 6 primeiros grupos. Ou en calquera caso ata esgotamento do crédito.

O cobro destas axudas queda supeditado ó cumprimento dos seguintes requisitos:

- a) Terse inscrito previamente como participante no prazo indicado e coa documentación completa, según se recolle nos artigos 3º e 4º
- b) Participar efectivamente no desfile co número de integrantes indicado no momento da inscrición, e cumprir os requisitos mínimos que se recollen para cada categoría. En caso de que por causa de forza maior algún dos compoñentes non poida asistir deberá xustificarse esa ausencia. En calquera caso non se poderá participar cun número de participantes menor que os esixidos para cada categoría.
- c) Os participantes en cada unha das categorías mencionadas deberán ir convenientemente caracterizados de Entroido: con maquillaxe e vestiario coidado e gardando unha coherencia temática entre si.
- d) Cumprir cos horarios, lugares de colocación e indicacións dadas pola organización do Desfile.

O Departamento de Cultura será o responsable de levantar acta dos grupos participantes durante o desfile, dando conta do número de compoñentes e cumprimento das condicións de participación.

DISPOSICIÓN FINAL

O Concello resérvase o dereito para a captación e difusión das imaxes do desfile para fins de publicidade e promoción.



ANEXO I

SOLICITUDE DE PARTICIPACIÓN NO DESFILE-CONCURSO DE ENTROIDO 2025		
DENOMINACIÓN DO TEMA REPRESENTADO:		
DENOMINACIÓN DO GRUPO/COMPARSAS OU CARROZA (En caso de ser diferente á anterior)		
NOME DO REPRESENTANTE DO GRUPO OU ASOCIACIÓN PARTICIPANTE:		
TELÉFONO DE CONTACTO	DNI ou CIF:	
Enderezo:	LOCALIDADE/MUNICIPIO	Código Postal:
CATEGORÍA NA QUE PARTICIPA: <input type="checkbox"/> COMPARSAS (mínimo 11 participantes + acompañamento musical) <input type="checkbox"/> CARROZA (representando tema enriba dun móbil alomenos 5 persoas) <input type="checkbox"/> GRUPO (entre 4 e 10 persoas)		N.º PARTICIPANTES: N.º MENORES:
¿Leva vehículo ou outro móbil de acompañamento? SÍ NO Indique o n.º de móbiles/vehículos:		Indique as dimensións dos móbiles:
COMENTARIO - DESCRICIÓN SOBRE O TRAXE:		
Declaro coñecer e aceptar as bases que rixen o Desfile Concurso de Entroido 2025: SINATURA e DATA: Nome e DNI:		
Documentación que acompaña á presente solicitude: <ul style="list-style-type: none"> - certificado de conta bancaria a nome do representante do grupo ou da Asociación - DNI do solicitante ou representante da asociación. - CIF ou estatutos da asociación. - Anexo II cuberto (declaración xurada de non ter débedas nin incapacidade) - Anexo III: autorizacións de menores - Anexo IV: só en caso de asociacións que contén con autorización expresa previa e Seguro de R.C 		



ANEXO II

DECLARACIÓN RESPONSABLE

D/D^a, con NIF núm.,
como representante do grupo/asociación
ou en representación propia.
Con domicilio social en

DECLARO baixo xuramento que:

- 1.- Esta Entidade ou persoa non está incurso en causas de incapacidade ou incompatibilidade para a percepción de axudas ou subvencións públicas.
- 2.- Esta Entidade ou persoa non está incurso nas prohibicións do artigo 13 da Lei 38/2003, de 17 de novembro, xeral de subvencións e do artigo 10 da Lei 9/2007, de 13 de xuño, de subvencións de Galicia.
- 3.- Esta Entidade ou persoa está ó corrente coas súas obrigas tributarias co Estado, Xunta de Galicia e Concello da Guarda, así como coa Seguridade Social.

Ao mesmo tempo, autorizo ó Concello para obter as certificacións da Axencia Estatal da Administración Tributaria e da Tesourería da Seguridade Social nas que se acredite que a entidade que represento está ó corrente nas súas obrigas.

Asinado, en A Guarda a.....de.....de 2025



ANEXO III

AUTORIZACIÓN A MENORES

Don/a.....

con DNI....., como pai/nai/titor/a do

nenos.....de.....anos e do

nenos.....de.....anos

AUTORIZA ao seu fillo/filla a participar no Desfile de Entroido 2025 que terá lugar o vindeiro **7 de marzo de 2025** organizado polo Concello da Guarda. Así como á publicación da súa imaxe na prensa e na páxina web do Concello. A utilización das fotos estará suxeita, exclusivamente, a uso informativo non comercial, en consecuencia non poderán xerar ningún tipo de lucro persoal.

*A data do desfile podería verse modificada por causa da choiva, sendo esta autorización igualmente válida na nova data.

O asinante autoriza tamén a D.....(**), como representante do grupo participante. *(Este apartado cubrirase só nos casos en que tódolos integrantes do grupo/comparsa sexan menores, indicando aquí o adulto responsable da inscrición e cobro da axuda)*

En A Guarda, ade.....de 2025

Asdo:



ANEXO IV

AUTORIZACIÓN A MENORES (NO CASO DE ASOCIACIÓN)

Don/a.....

con DNI....., en calidade de presidente da ASOCIACIÓN.....

declaro baixo xuramento que esta entidade conta coa autorización expresa das nais, pais e titores legais dos menores para realizar actividades fóra do seu centro . En consecuencia, a asociación á que represento asume toda responsabilidade cos menores ó seu cargo e indica que conta coas precaucións oportunas no referente á participación dos menores, e para deixar constancia adxunta o correspondente seguro de responsabilidade civil

NOME E APELIDOS DOS MENORES PARTICIPANTES:

En A Guarda , ade.....de 20__

Asdo:

